



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

*manè discutienda, in Scholis Medicorum, die Jovis
decimâ-quintâ Martii, anni M. DCC. XLII.*

M. FRANCISCO MERY,
Doctore Medico, Præside.

An tenuium Intestinorum Vulnus lethale?

1.



CELERIS purus homo fortunatam hanc annorum decurrebat seriem, quæ nec fœdabat hiems gelida, nec torrida torquebat æstas: res non erat labore duro parata, sed prodigus ager, munificentissimi Creatoris bonitate, parabat sine arte mensam; aëre puro dies lucebant sereni, noxque soluta curis breves spargebat umbras: torus erat pudicus, non tristis; dabat leges prudens simplicitas, mens erat quieta, & salubre corpus viribus fruebatur ingenius: non sibi dedit maligno dira sequebatur morborum cohors, nec supremum diem, criminis vœdical, horrebat juvenus virilis nescia vulnecum. At ex quo ingrata gens, omne ausa scelus, supremæ Majestati æqualem se credere non horruit, fatale illud, *Morieris*, juravit Omnipotens. Jam jam ulcione iustæ irati numinis persequente fontes, quàm subitè (horrendum dictu) totius naturæ mutata facies! Aut igneus æstuat aër, aut gelido quassata frigore torpent membra: inculta segetem recusat tellus, solertique versata manu pestiferum seipso depromit gramen. Terra, Pontus, Aër, quidquid tandem in humanæ gentis commodum salutemque dederat summus Opifex, futuris divini nunc Minister, maledictique obsequiarum caractere, hominem undique ineluctabili vulnerat telo. Homo ipse profundioribus jam tenebris oboccatâ mente, hominis adest hostis infensissimus. Ruit in pectus, huncque fallacibus inhonestè voluptatis caprum illicebis, morbos mortemque appetere quis non crederet? De homine actum erat, nisi

Δ

Medicinam creasset Altissimus & Medicum, qui nunc prudenti consilio morborum feroces debellaret peritus, nunc docta manu & solerti, presens vulneribus ferret auxilium. Atquam tristes heu! nimium docet temporum series Arte docta nonnumquam plus valere malum, & sapientius existare vulnera, quæ brevi sequitur mors ineluctabilis. Sic Hippocrates * tenuium intestinorum Vulus lethale pronuntiat. Caveas tamen ne te incautum huiusmodi vulneribus medicas afferre manus pigeat, quorum medelæ non obstat nec structura partium, nec repetita pluries experientia felix.

I I.

A Pylozo ad anum unicus propriè in conspectum venit canalis, mille inflexus circumvolutionibus reflexusque, qui Intestinelorum nomine designatur: hæc intestina, pro volumine diversâque densitate, in Tenuia distinguuntur & Crassa, quæ quidem cum texturâ & compositione intrâ se discrepant, utraque triplici nomine parti placuit Authoribus. Tenuibus ergo assignantur *Duodenum, Jejunum, & Ileum*, per crassa verò *Cæcum* intelligas, *Coecum, & Rectum*. De crassis silemus ad propositum non pertinentibus quædam de tenuibus delibatur. Quadruplici tunica constat quolibet intestinum, quintuplici, si tunicam Ruischii Cellulosam addimere placeat. Prima & exterior à Peritoneo producta Communis nuncupatur: stamine celluloso armatur intus quod Cellulosam Ruischii efformat tunicam: hæc Mesenterio continua est facilisque in pinguibus animalibus degetur statim, pinguedine repleta. Secunda Carne est sive Musculosa, duplici confatur fibrarum ordine. Hic externus, internus ille. Uterque licet sibi invicem ita strictè annectatur, ut vix separari valeat, diversam tamen obtinet texturam; externus longitudinalis conspicitur & gracilis, internus crassior, quasi totidem circuli segmenta, totum intestini canalem transversè peragit. Sub nomine Nervæ noscitur tertia, aspera glandulis, vasculis conspicua, cellulisque instructa pluribus; majori cæteris donatur amplitudine, unde apparent rugæ, & valvulæ nascuntur. Quarta tandem sive interior vocatur villosa. Mollioris est substantiæ, Nervæ quâ fuscitur magnitudinem adæquat, variæque ipsius ubique obducit cellulas. Vasorum fines sanguiferorum, lacteorumque principia sustinet; Hinc examine factæ accuratori cribrum merito dices. Hæc de omni intestino: Quædam nunc de quolibet intestino tenui observare juvat.

I I I.

DUODENUM, à longitudine duodecim quasi digitorum, statim atque à Pylozo ortum traexit, retrorsum primo & obliquè descendendo paululum incurvatur, postea versùs Renem dextrum secundâ, ut ita loquar, flexitur curvaturâ: Renali tandem arteriâ venâque renali & cavâ salutatis, sensum sine sensu ante aortam extremasque dorsâ vertebrae à dextrâ ad sinistram ascendendo, novo flexu, qui ut extrema pars duodeni haberi potest, sinistram versùs renem excurrit obliquè. Tribus vel quatuor circiter à Pylozo digitis, prominente uno hiatu, choledochi pancreaticeque ductûs oscula recipit. Musculosam duodeni tunicam cæteris multo crassiorē aspicias. A Nervæ ejusdem intestini villosâque tunicis plurimæ nascuntur plicaturæ, quas valvularum Conniventium insigniunt nomine. In principio duodeni valvulæ apparent nullæ, complures in progressu. Anteriam à cœliacâ sibi propriam vindicat Duodenum. Jejunum, quod sæpe vacuum proficiunt, ab ultimâ proficiunt Duodeni curvaturâ. Hinc à sinistrâ ad dextram paululum deflexum, circumvolutionibus variis superiorem regionis umbilicalem partem potissimum occupat. Tunica Jejuni eadem ferè pollent texturâ ac Duodeni, sed crassâ minus. Valvulis præstat Conniventibus, quæ latitudine & numero plures, à se invicem nullatenus ferè recedunt. Quæ autem arte certò innotescere valeat Jejuni finis & principium Ilei, res fat obscura: à colore hic intenso magis, illic minus, discrimen illud emanare censent alii; Alii à Valvularum obliteratione repetunt. Rectius, ni fallor, si Jejuno Ileoque in quinque partes æqualiter partitiis, duas tribueris Jejuno, tres Ileo concesseris, Ileum infra umbilicalem regionem juxta ossa Ilei situm imprimis animadvertitur: Jejuni circumvolutiones à lateribus & inferiori parte ita obvolvitur Ileum, ut à sinistrâ ad dextram per hypogastrium serpens, ibi Renem dextrum paulisper infra definat, valvulæque præstanti, quam valvulam Coli Bauhini appellare placuit, novo veluti Pylozo crassis annectatur intestinalis. Tenuium intestinalium substantiam vasa percrepant numero & copiosissima: arterias suppediat Mesaraica superior, ad Hepat & Portam abeunt venæ; Pari vago & Intercostali debentur nervi, lacteis luxuriant insuper lymphaticis. Eæ sunt quæ in huiusmodi intestinalium specie observanda potissimum veniunt, in quorum vulneribus stricte, heu! quotidie successum sortitur Chirurgia vel peritior. Nulla ne ergo remanet spes? truciæ vultu, vulnerato semel crudelis semper mors prænuntianda? absit. Horrendum, ingens licet immincat periculum, macie animo, laboreque non recuses pavidus. Tenuium intestinalium vulneris medelæ nec repugnat partium conditio, nec experientia reluctatur.

I V.

VULNERIS nomen latiori acceptum significatione ad quæcumque partium corporis disjunctionem solutionemque continui designandam usurpatur: Apud Medicos tamen invaluit

us hanc duntaxat solutionem continui titulo vulneris insignire, quæ in partibus corporis molli-
libus, non ab omni indiscriminatim solvente causâ, sed à corporibus duris & gravibus, quo-
cumque insitissimè modo applicativè ortum duceret; Hinc violata partium mollium unio, quæ à
clandestinis fluidorum intra corpus vel genitorum, vel accedentium ab extra ictibus manat,
vulnus propriè non est, sed Ulcus appellabitur: cum autem vulnera non à diversis solum corpo-
rum à quibus insiguntur superficibus diversâ obtineant formas, sed tum naturâ & numero
partium vulneratarum, tum symptomatum, quæ vulnera concomitantur, majori vel minori fe-
rocitate differant plurimum, Principes idcirco quedam statutæ sunt vulnerum differentiar. Vel
ergo impactum corpus acie aut acumine instructum reperitur, cedendoque aut pungendo par-
tium unionem frangit; vel nec acumine præditum, nec acie, mole simplici ac fortiori motu con-
tundendo, partes secundum susceptam moris lineam à vicinarum contactu removeret. Si pri-
mum, vulnus dixeris Incisionem aut Puncturam. Si posterum, Contusionem appellaveris. Et
iterum vulnus aut cutem tantum extimam aperit, penetratve profundius, nulla tamen ab eo
inductâ carniū deperditione, non aperturâ majoris momenti vasorum illatâ, nullo ingruen-
te gravi symptomate, & simplex nuncupatur: aut carnis subiectæ non mediocris adest jactura,
vas plurimi ponderis resecatum, vulneratus tendo, dolor sævit, longè latèque serpit inflamma-
tio, & Compositum nominatur. Tenuium intestinorum vulnus hic loci lateri acceptum signi-
ficatione fatetur ultro, & per hujusmodi vulnus quamlibet tenuium intestinorum continui
solutionem intelligimus, quæcumque sit unionis violatæ causa: Oriatur ergo ab externo corpo-
re gravi impetu vibrato, à tactis fluidorum intra corpus latentem agentium ictibus trahat origi-
nem, proficiscatur tandem ab imperitâ Chirurgi manu, ut in varis, quas diversæ postulant
Herniarum species, operationibus, *Bubonocèle* præsertim, accidit sæpius, hanc solutionem
continui, sive sit simplex sive composita, vulnus appellare placet cujus medellæ non repugnat
partium natura. Absit negare velimus à tenuium intestinorum vulneribus compositis præsertim
periculum imminere & quidem præsentissimum. Nonne etenim vulneratis tenuibus intestinis,
bilis cum succo chyloso in cavitatem abdominis partim depluens, corruptionem partibus con-
sistentis importat? Ignoratur-ne hæc intestina motu gaudere *peristaltico* fortiori, lasaque, conten-
ta tantò vehementius extrâ cavitatem protrudere? Quis nescit ab eorum læsione inflammationes
suboriri sæpius, spasmos, convulsiones? compertum tandem nonne est tria hæc intestina, ut
potè minus musculosa, difficilior coalescere? Quid inde? vulnus erit periculi plenum, non le-
thale. Manum semper operi admoveat Chirurgus. De educendis peregrinis quibuscumque corpori-
bus vulneri insitis sollicitus primò, partes divisas, si externè prominent, suo loco reponat. Partium
labra ad intimum, quantum parietur substantiæ jactura, urgeat contactum, roborantibus modò,
puresfactionemque arcentibus remediis utatur prudens, modò, sicut postulerit temporum
opportunitas, lenientibus demulcentibusque (spasmos astringentia misceat & consolidantia. Venæ-
sectionibus sæpius repetitis compescatur inflammatio, tenuissima dicata & fame, ut ita loquar,
emaciandus æger, ne major sæcum proventus adveniens, & unionem prohibeat & augeat sym-
ptomata. Sic sæpius vel in magnitatem vulneribus muscularium ope fibrarum coalescent partes,
vel si majus sit substantiæ dispendium, » quod carnis deest partibus, (ut ait Magister in arte
» Medica magnus *Hecquetus* * nos) ex partium viciniâ suppletur, quæ suâ partibus vulneratis
» mutando applicandoque carnes, gluten commodant, mutuoque adhæsi concessio, cicatrici
» tempus suppeditant, modum, instrumentum. Nec ab opere deterreat Chirurgum materia
è vulnere depluens, Musculorum tenuitas fibrarum, Nervearum numerus, morulique partium
unioni resistens. Nonne, vesica motu donatur & quidem plurimò, salibus urinæ potentissimis allui-
tur indefinenter, totaque Membranacea fert & Nervea conficitur. Quam tamen graviter erra-
verunt, qui ipsius corporis & fundi vulnera lethalia decantabant, sat superque demonstravit,
tam felici successu in operatione Lithotomiae per Altum apparatus, in fundum vesicæ, larga
sæpius à peritissimo Doctore Douglas incisio peracta. Mutatâ parte de Intestinorum vulneribus
res narratur. Sed tenuium Intestinorum vulneris medellæ non obstat partium texturam, tutissi-
mus est demonstrandi modus, testem appellemus experientiam.

V.

DUOBUS circiter ab hinc annis in mulierem septuagenariam, orbatam visu infirmâque ad-
modum gaudentem valetudine, celebrat *è Bubonocèle* operatio. Mâle affectum erat inte-
stinum tenue *Gangrenâque* suspectum. Lotum illud calido vino spiritumque vini irroratum, in
abdominis cavitatem reponitur. Quæ gravissima intestini strangulationem comitata fuerant
symptomata, post operationem subito remiserunt. Horâ ab operatione unâ laxata est alvus; Per
novem dies, nullo exasperante febrili motu, tranquilla remansit ægrotans: At die decimo excre-
mentum per vulnus erupit-biliofa. Materia erat & aded luxurians, ut totus omnino fœdatus es-
sectus, & acris ita, ut extimâ cute abdomen & crura spoliaverit. Per sex vel septem hebdomadas
per vulnus prodierunt fœces; At duobus circiter mensibus ex hæc, consolidata est vulnus,
hodieque sat firmâ struitur valetudine mulier. Viginti jam elapsi sunt anni ex quo eadem opera-

* Comment.
in Hipp. sect.

6.

Aph. xviii.

4
 tione tentata est mulier vetula. Ipso tempore operationis, diebusque primis sequentibus, quæ in operatione relatâ modo actâ diximus, sunt pariter observata. At septimo manè, lintea cujuslibet generis materiâ stercoreali & biliosâ contaminata invenit Chirurgus. His è vulnere extractis, materia ejusdem naturæ, quantitate notabili, cum impetu profiliit foras. Diebus quindecim absque ullâ sensibili mutatione idem permansit status: Tunc solidiorem adeptâ sunt consistentiam excrementa. Die vigesimo per Anum determinata sunt paululûm, vividiorique donatum colore apparuit vulnus. Vigesimo-octavo tandem, nullâ jam per vulnus prodeunte materiâ, octo dierum spatio, ita felici obductum est cicatrice, ut optimè convalesceret mulier. Nonne per omnes Belgicæ-regiæ civitates famulos fuit circulator ille, qui ut facilius strangulationi intestinorum in Herniis succurreret, largâ incisione fecabat intestinum, illudque contentis per aperturam vacuatum in abdomen-reponebat. Audaci hujuscemodi methodo & temeraria insistendum licet non sit, cum in pluribus tamen felicem habuerit exitum, tenuium intestinorum vulnus lethale non assermandum demonstrat evidenter. Nec reponat aliquis nos inreferendis curationibus, à nobis duntaxat cognitis, totos incumbere. Authores, & quidem melioris notæ adire non piget, *Seidelium, Hollerium, Gimmam*; felices pariter expertos fuisse successus comperimus. » Cuidam (inquit *Hollerius*) perforatus venter acuto ense, intestina tenuia vulnerata & pars » crassiorum. Exierunt intestina per vulnus & sterus; desperatus erat à Medicis, sed longâ curâ » convaleuit. Sic suam aperit mentem *Gemma*. « Vidi quibus intestinorum portiones satis effata » dignæ, tum per abcessus tum per vulnera sunt ablata, & tamen vivunt, unamque in rebus » desperatissimis divinæ bonitatis & fortitudinis gratiam proficiuntur: assertioni tandem nostræ » metam imponet atque coronidem *Seidelius*. Sic loquitur. Peruso perfectivè tenui quopiam » intestino lethale est, inquit *Hippocrates* Aph. 18. Sect. 6. Huic aphorismo planè adversum ac » repugnantem casum paucis ante annis observavi in cive quodam Gryphiswaldensi fæxagenario, » cui cum diebus tribus continuus alvus obstricta esset & vehementissimis circa umbilicum dolo- » ribus infestaretur, potionem purgantem exhibui, quâ primâ vice nec alvum deposuit, nec do- » lores quicquam remiserunt. Eadem verò, tribus diebus exactis, repetitâ, & alvus laxata est, » & dolore sublato, tumor quidam in Epigastrio circa inguen dextrum erupit. Tonfor ad eum » vocatus, tumorem convenientibus remediis maturatum scalpello aperuit, ex quo pus sanguini » permixtum effluxit. Octavo die post apertionem tumoris, cum ulceri medicamenta mundifi- » cantia & detergentia linamento excepta admoverot, porus, unâ horâ postquam ab agro assump- » tus esset, per vulnus emanare cœpit tanto impetu, ut simul linamentum è vulnere propelle- » ret. Sequentibus diebus etiam panis, caro, & reliqui solidiores cibi, aliquo modo alterati per » idem vulnus effluerunt. Hâc re tertius æger jam planè de salute suâ actum esse censuit. Cum » verò aliquot diebus potionem ex radicibus & herbis quibusdam constringentibus ac consolidan- » tibus præparatâ urceret, & vulneri exteriori sarcotica adhiberentur, primo cicatrix, deinde etiam » porus paulatim substitit, ac vulnus intra sex septimanas integrè ac perfectè sanatum est. » At objicit aliquis, Quot tamen vulneratis semel tenuibus intestinis, morte præcipui rapiuntur quo- » tidie? illud fateamur iterum atque iterum. Hinc tenuium Intestinorum vulnus periculi semper » & alæ plenum. Sed etiamvis unus duntaxat nobis suppeteret casus constans felixque, in quo vul- » nus tenuium Intestinorum medelam admisisset, concludere merito possumus. Ergo curationis » vulnorum tenuium intestinorum nec textura partium repugnat, nec reluctatur experientia.

Vide Schen-
 kii Obs. Med.
 L. 3. de Vuln.
 intest.

Ergo tenuium Intestinorum Vulnus non lethale.

DOMINI DOCTORES DISPUTATURI.

M. Joannes-Jacobus Belleseste.

*M. Anthonius Ferrein, è Regiâ
Scientiarum Academiâ.*

*M. Henricus Besnier, Phy-
siciæ Professor.*

*M. Michael-Philippus Bou-
vart.*

*M. Bartholomæus Mur-y, Chi-
rurgiæ Professor designatus.*

*M. Joannes Pesse, Dotaria His-
paniarum Regina à Consiliis
& Medicus Primarius.*

M. Michael-Josephus Majault.

*M. Carolus Payen, Chirurgia
Gallico Idioma Professor.*

*M. Antonius de Jussieu, Regiâ
Secretis, Regiæ Scientiarum
Academia, Regiæque Socie-
tatum Angliæ & Prussiasocius,
Bojanicus in Horto Re-
gio Parisiensi Professor ac
Demonstrator.*

Proponebat Parisiis SILVESTER-ANTONIUS LE MOINE, Mimatenfis,
Baccalaureus Medicus, A. R. S. H. 1742. à sextâ ad meridiem.

Typis QUILLAV, Universitatis & Facultatis Medicinæ Typographi, 1742.